

DEO OPTIMO MAX.  
UNI ET TRINO.

VIRGINI DEI-PARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,

M. JOANNIS DE GORRIS,  
QUOD LIBETARIIS DISPUTATIONIBUS  
*manè discutienda in Scholis Medicorum, die Jovis trigesimâ mensis  
Decembris, anno Domini M. DCC. LI.*

M. ANDREA-JOSEPHO SERON, Rci  
Tormentariæ Medico ordinario, Doctore Medico, Præside.

*An Medicorum Parisiensium frequentes Phlebotomia jure vel injuriâ accusantur?*

I.



CHOLA Parisiensis, Alumna Medicæ veritatis, apud Erasistratæos  
(a) Αἰμοφθὺς frequentioris venæsectionis rea, ad Hippocratis Galeni-  
que tribunal, his rationum momentis provocat. Sanguis ut vitæ, sic ple-  
rumque mortis author, ex succorum quatuor naturalium æquabilitate (b)  
constat. Horum singuli, aliàs secundum naturam, aliàs præter naturam  
constitunt; Secundum (c) naturam, cum decoram & consentaneam, tum  
qualitatem tum quantitatem obtinent; præter naturam, cum vel qualitatibus (d), vel quan-  
titatibus modum non tenent: Inde sunt Plethora & Cacoehymia: Illa succorum omnium  
æquabilis redundantia (e) est, sive sincerioris (f) sanguinis summa ubertas in venis & cor-  
poris habitu; hæc vitiositas (g) humoris, in omnes & singulas corporis partes diffusa: utra-  
que, quia morbi causa existit, si emendari aliter non potest, protinus auferenda expel-  
lendaque est; at verò illius expulsio, evacuatio est, quæ variis subsidiorum generi-  
bus comparatur, quorum primariæ ac præcipuæ sunt Purgatio atque Venæsectio. Prior  
ex humorum peccantium, & morborum observatione multiplici minùs (h) secuta; alte-  
ra observationum paucitate tutior (i) atque facilius, sæpe divinos & admirabiles parit  
eventus (l). Purgatio si benignior, rarò desideratos (m); validior infelices (n); moderata, ut  
moderatis opportuna, sic in acutis affectibus rarè necessitatis (o), solis eorum, velut hostis  
triumphati, reportandis exuviis efficax est, humore expurgato, cujus acumen & impe-  
tum prius fregere fidâ coctione (p), vel Natura, vel Venæsectio, tuta accuratissimorum an-  
chora (q), & augustissimum Artis Palladium, fremant frendant licet Αἰμοφθῶς, qui Paras-  
celli glandes, Hippocratis Galenique frugibus anteponunt.

*Confirmationes Theſeos ex Hippocratis & Galeni locis.*

(a) Gal. Libello toto de venæ sect. advers. Erasistratum & Erasistratæos. (b) Gal. Comm. 1: in lib. 1. Hippoc. de nat. humana, textu 39. (c) Hipp. lib. 1. de nat. hum. 1. 19. 20. Gal. 8. de placit. H & P. c. 6. & l. de plenitud. c. 10. (d) Gal. 9 meth. c. 11. (e) Gal. 13. meth. c. 6. & lib. de plenit. c. 11. & 3. de sanit. tuenda, c. 9. (f) Gal. 2. nat. mix. c. 3. (g) Gal. 13. meth. c. 3. & 3. de temperam. c. 3. (h) Gal. li. de venæ sect. advers. Eras. c. 7. & comm. 2. in l. de victu acut. 1. 11. (i) Gal. Ibid. & l. de cura per sang. miss. c. 12. (l) Gal.

A

l. de cur. per sang. miss. c. 17. & libello toto. (n) Gal. Meth. c. 15. (n) Gal. 3. de simpl. mod. facult. c. 27. 28. (o) Hipp. aph. 24. sect. 1. (p) Hipp. ap. 22. sect. 1. (q) Gal. de cur. per sang. miss. c. 12.

## I I.

**V**ERUM ut remedium unumquodque, ita Phlebotomia convenienter adhiberi necesse est: remedium genus, & utendi modum subministrabit *ἡ δὲ εὐχὴ* idonea, sine qua medendi methodus (a) frustra tentatur: hæc agendorum insinuatō est (b), petenda à rei naturâ (c), quæ una (d) cum sit, ab uno unum per se & primò significari, non verò plura censemus (e). Significant (f) verò tria; res naturales, sui maximè (g) conservationem; quæ præter naturam sunt, depulsionem (h); non naturales, pro suâ ad utrumvis propensione, hanc illamve sibi (i) deposcunt, *ἡ δὲ εὐχὴ θεραπευτικὴ* soli debetur præter naturam (l) affectui, magno, parvo, par & æquale (m) gradu contrarium. Acutis, & magnis omnibus (n) venæsectio, ex eorum magnitudine & ægri robore æstimanda: magnitudo ex affectûs essentiâ, ex afflictæ partis præstantiâ, & symptomatum acerbitate (o); sola verò cum virum robore conjuncta morbi magnitudo, primaria est (p) venæsectionis *ἡ δὲ εὐχὴ*, quia debetur in primis τῷ μεγάλῳ πάλῳ μέγα βούλημα. Enimvero cum sit evacuan, revellens, refrigerans, deobstruens & expurgans auxilium (r), qui magnus morbus esse possit, qui hæc, aut illâ ratione, missione sanguinis non gaudeat? Utendi modum perfectiùs & exquisitiùs præscribet, temperamentum (s), habitûs (t) corporis, ætatis (u), anni temporum (x), cæli (y) statûs (z), consuetudinis, & virium (aa) observatio; quia *σοφὴ δὲ ἐκινούμενα* (bb) sunt ἡ ἀντενδυνάμεινα (cc). Est hæc apud judices æquissimos, Hippocratis & Galeni legibus tam consentanea lex, ut in morborum sequentium curatione aberrare profectò sinat neminem.

(a) Gal. 2. Meth. c. 7. (b) Gal. Ibidem. (c) Gal. Ibidem. & 11. meth. c. 15. (d) Gal. 4. de simpl. facult. c. 15. (e) Gal. 9. meth. c. 12. (f) Gal. 9. meth. c. 14. (g) Gal. 3. meth. c. 3. (h) Gal. Ibidem. c. 14. meth. c. 13. (i) Gal. 9. meth. c. 14. (l) Gal. 4. meth. c. 3. & 4. & 9. meth. c. 9. (m) Gal. 9. meth. c. 15. (n) Gal. 9. meth. c. 15. & 3. meth. c. 9. & 1. κατά φύσιν. c. 3. (n) Gal. 4. meth. c. 6. & Hipp. 4. de victu in acut. 1. 16. 19. & l. de vict. in acut. 1. 19. & Gal. in comment. & l. de cur. per sang. miss. c. 13. & 9. (q) Aretæus. (r) Gal. 9. meth. c. 11. & 8. meth. c. 4. & 1. de cur. per sang. miss. c. 12. (s) Gal. 7. meth. c. 13. (t) Gal. 9. meth. c. 17. & 1. ad Glaucon. c. 14. (u) Ibidem. & l. de cur. per sang. miss. c. 9. (y) Ibidem. & 1. ad Glaucon. c. 14. (z) Ibidem. & 2. ad Glaucon. c. 14. (aa) Gal. 1. de cur. per sang. miss. c. 12. & 9. meth. c. 7. (bb) Gal. 13. meth. c. 16. (cc) Gal. 1. de cur. sang. miss. c. 13.

## I I I.

**P**LETHORÆ puræ, ex optimorum succorum pari portione, unicum ac proprium remedium (a) est Phlebotomia; nec non impuræ quæ cacochymix particeps est (b) succurrit; calidæ quidem biliosæque plenitudini (c) tutissimè; parcius (d) melancholicæ; pituitosæ omnium (e) certè minimè: simplici quoque venarum cacochymix, quæ in venis citrà plenitudinem consistit (f) medetur: quæ verò vicerum vitio genita est, aut partis alicujus substantiam, vel corporis habitum occupavit, medicamento in primis, (g) non venæsectione ducenda. His adducti legibus, omnium tum interiorum, cum exteriorum partium inflammationibus venæsectione (h) medemur, sanguinis (i) sputo, incipienti (l) tabi, sanguinis (m) vomitioni, & eruptioni quæ ex (n) naribus, utero (o) vel hæmorrhoidè (p) plenius erumpit; insuper carbunculis, (q) furunculis, (r) scabiei humidiori, quæque hujus conditionis, lethargum (s), vertiginem (u), apoplexiam (x), epilepsiam (y), paralyism, phrenitidem (z), cordis πάλῳν (aa), acres mordacesque (bb) oculorum fluxiones, vel præsentis missione sanguinis curamus, vel impendentes, consuetos aut anniversarios, eadem antevertimus:

Ad hæc hydropem imminuentem à solemnibus effluviis (cc) suppressione, dolores (dd) acerbissimos, alvi (ee) fluores biliosos, morbillos (ff), pestem atque (gg) pestilentes febres : tam illa se latè diffundit gravissimorum affectuum medicatrix φλεγοποιός ; non seni, puero vel prægnanti (hh) inimica ; non diuturnis morbis (ii) adversa : omni acutorum (ll) tempore, demptâ, (mm) nec demptâ (nn) declinatione procuranda.

(a) Gal. l. de cur. per sang. miss. c. 6. & comm. c. ad aphor. 47. (b) Gal. 9. meth. c. 5. & 11. & 3. meth. c. 4. & 4. de sanit. tuend. c. 4. (c) Galenus ibidem, & libro de cur. per sang. miss. c. 10. & 3. de loc. affect. c. 7. (d) Gal. de sanit. tuend. c. 4. Gal. l. de cur. per sang. miss. c. 6. & 9. & 10. (e) Gal. 8. meth. c. 4. (f) Gal. l. de purgant. Medic. Facultat. cap. 5. (g) Gal. l. de cur. per sang. miss. c. 8. & 19. & comm. 1. ad aph. 23. & lib. toto 13. meth. (h) Gal. l. 5. meth. c. 8. & 13. (i) Hipp. 5. Epid. initio, & Gal. comm. 3. in 6. Epid. text. 29. (l) Gal. l. de vena sect. advers. Erasistr. c. 8. (m) Gal. l. de cur. per sang. miss. c. 11. (n) Gal. ibid. & 5. meth. c. 3. (o) Gal. l. de cur. per sang. miss. c. 19. (p) Gal. 14. meth. c. 10. (q) Gal. 5. κατά πρ. c. 7. (r) Gal. 11. meth. c. 15. (s) Gal. 13. meth. c. 21. (t) Gal. l. de cur. per sang. miss. c. 10. 7. & 19. (u) Ibid. c. 7. (x) Ibid. & c. 10. (y) Aetius Terrab. 2. ferm. 2. c. 8. & Trallian. l. 1. c. 6. & Aegin. l. 3. cap. 18. (z) Gal. 13. meth. c. 21. (aa) Gal. 5. de loc. aff. c. 2. (bb) Gal. 13. meth. c. 22. & 4. κατά πρ. c. 1. & 8. (cc) Hipp. l. de victu in acut. & Gal. comm. 4. in eum lib. 1. 3. & c. 5. de vena sect. advers. Erasistr. (dd) Gal. comm. 1. ad aphor. 23. (ee) Gal. 2. ad Glauc. c. 2. & 7. meth. c. 15. (ff) Avicenn. l. 4. fen. 1. tract. 4. c. 10. (gg) Gal. 14. meth. cap. 10. & 11. meth. c. 15. & comm. 3. in 1. Epid. t. 26. & 1. de differ. febr. c. 4. (hh) Cels. l. 2. c. 10. & Gal. lib. de cur. per sang. miss. c. 13. & comm. 4. in lib. de victu in acut. text. 19. (ii) Gal. comm. 4. in lib. de victu in acut. t. 19. (ll) Gal. l. de cur. per sang. miss. cap. 20. (mm) Gal. 3. de crifib. cap. 5. (nn) Gal. lib. de cur. per sang. miss. cap. 21.

## I V.

QUID si verò pluries repetitâ, nondum satis accedat ægro levamenti ? Non sunt venasectiones numeris, sed necessitatis legibus (a) metiendæ : Artem σοφιστικὴν facit maximè, (b) obscura remedi quantitas ; neque ad missionem sanguinis idoneam, certam ubique fidem dederint commemorata συνερδειαύματα, Non sanguinis color (c) & qualitas, non ipse defectus animi, (d) vel pulsus (e) mutatio, verum alia: potiores observationes adhibendæ sunt, ad quas dirigi curantis consilium debeat ; sed quàm, vel peritissimo Medico illud perarduum ! nisi spectetur non quæ ætas (f) sit, neque quid in corpore intus geratur, sed quæ vires sint. Post quater quinqueve iteratam sanguinis missionem, æger synocho pariter exastuat, pleuriticus anhelat, angina fauces angit, quis decoctis, quis iusculis alteratis, quis illic purgationi locus (g), αἷζες τῆς περιελῆς (h) τῆς νόσου ? Quin pro virium ratione, toties (i) venam tunde λαυρός, ισχυρός, ἢ κατά ἐπαφαίρσιν, vel quia sic jubet ratio (l) magnitudinis ; vel quia extremis morbis extrema exquisitè remedia (m) debentur ; vel quia spes dubia certâ desperatione (n) potior est ; vel quia denique nullum phlebotomiâ liberâ & liberali (o) præsentius remedium ; sed ô frivolam & inanem Αἰμοφροσίαν ; sanguinem, adusque λιποθυμίαν, Hippocrates (p) & Galenus (q) misère, nos haudquaquam ; illi librarum, nos unciarum ponderibus. Meminit Galenus ad sex usque libras detractum sanguinem, (r) sic restinctâ febre ; aliàs in oculorum phlegmone (s) tres primùm libras misit, horis dein quatuor exactis libram, unde salus illicd sequuta ; nec non mulieri longo morbo attenuatæ, deridentibus licet Medicis, (t) sesquilibram primo die, libram altero, tertio uncias octo detraxit, sic salute restitutâ. Quantum denique illius in adolefcente, qui perfrigeratis respirandi instrumentis, (u) in αἰμόπλυσιν copiosam inturrerat, missione sanguinis bidual quater repetitâ ; sed & tabidum, secta, τὸς ἰζαίμος ἐρίντο, in utrâque manu venâ liberavit Hippocrates (x), venasectionis amator (y) eximius. Est igitur iteranda phlebotomia, quoties (z) vires ferent, & morbi magnitudo postulat, etiam si morbi dies vigesimus agatur.

(a) Gal. 9. meth. cap. 5. & lib. de cur. per sang. mission. cap. 20. (b) Gal. lib. de cur. per sang. mission. cap. 12. (c) Gal. lib. de venæ sect. advers. Erasist. cap. 7. (d) Gal. comment. ad Aph. 23. (e) Gal. lib. de venæ sect. advers. Erasist. cap. 7. (f) Cels. lib. 2. cap. 10. (g) Gal. comment. 2. in lib. de vict. in acut. t. 11. (h) Hipp. 1. Epid. sect. 2. & 2. Epid. sect. 2. (i) Gal. 9. meth. cap. 5. & lib. de cur. per sang. mission. cap. 12. & comment. 2. in lib. de vict. in acut. text. 11. (l) Gal. de cur. per sang. mission. cap. 13. (m) Hipp. aphor. 6. sect. 1. (n) Cels. l. 5. (o) Gal. comment. 1. ad aphor. 23. (p) Hipp. aphor. 23. sect. 1. & 5. Epidem. initio. (q) Gal. lib. de cur. per sang. miss. cap. 12. & 14. meth. cap. 10. & comm. 1. ad aphor. 23. (r) Gal. de cur. per sang. miss. cap. 12. (s) Gal. lib. de cur. per sang. miss. cap. 17. (t) Gal. comment. 3. in Epid. text. 29. (u) Gal. 5. meth. c. 13. (x) Hipp. 5. epid. initio. (y) Gal. comm. 1. in lib. 3. Epid. agrot. 1. art. 3. (z) Gal. 9. meth. c. 5. & lib. de cur. per sang. miss. c. 20.

V.

**H**IC excandescis, Αἰμοφῶς, nullum scilicet Astralibus tuis, Sali Mercurio atque Sulphuri locum derelictum vides. Sed contemplare temetipsum, quoties tibi de nare, vel hæmorrhoidæ, vel accepto vulnere: quoties menstruali, vel puerperæ, ad x. & xii. librarum pondus sanguis excessit vitâ incolumi; habere corpus hominis iustaque probeque temperatum sanguinis libras xxv. scripsit Avicenna: Vidit Amatus, (a) quorum è naribus fluxerint per dies quinque, (b) libræ xx. & xxii, exigua virium offensa: Scripsit (c) Donatus in muliere, septem & octo mensium spatio, iteratam bis & ter phlebotomiam septimanis singulis, ad uncias septem & octo, vitâ superstitæ: Vidi cui Anginoso detracta fuere triduo XLVIII. sanguinis vascula, sanitate restituta: Teder hujus classis infinita Lutetiæ Parisiorum exempla recensere: Quid si verò insuper haud levibus argumentis evincam, ex liberaliore, seu Parisino victu, gigni quotidie in nobis sanguinis quasi libram, & à membris exforberi? Sed ista captum superant imperitæ multitudinis, quæ huc solum novit infamare præsidia, quæ non dedere omnibus salutem, quæ si quis artem Medicus, is & artis eventum præstare semper debeat, nec sua cuique sit μόρα πικρῶς ἰκύνει. Hanc ignaræ plebi mentem injiciunt Pseudomedicorum suluri, qui jam Galeni amorem & doctrinam excussere, Hippocratem cæperunt odisse, ut Paracellsum ἀντιφῶδον obtrudant: Sed erit antiquæ veritatis faultrix & vindex Schola Parisiensis; tuos, Αἰμοφῶς, rumores contemnet, qui dum animositatem, quâ in eam tenêris viceris, tum demum, veritatem tenere poteris, quâ vinceres.

(a) Amatus Lusit. centur. 2. curat. 100. (b) Ibidem, & in scholio. (c) Marcellus Donat. lib. 4. cap. 3. hist. mirabil.

Ergo Medicorum Parisiensium frequentes Phlebotomiæ non jure, sed injuriâ accusantur.

DOMINI DOCTORES DISPUTATURI.

M. Franciscus-de-Paulâ Combauter.	M. Jacobus Barbeu du Bourg.	M. Carolus Payen, utriusque Pharmacia Professor.
M. Hugo Capet.	M. Joannes-Jacobus Messence.	M. Tussanus Gilbertus Poulland, Consiliarius Medicus Regis ordinarius in ejus Castellæ.
M. Petrus-Augustinus Adet.	M. Carolus-Frânciscus Theronide de Toulonjê de Vallun, Eques.	M. Gaspardus Cochon Dupuy, Regis Consiliarius & in Arce Martima Rapisforonsi Anatomæ & Chirurgiæ Professor Regius.

Proponebat Parisiis JOANNES - BAPTISTA BARJOILLE, Salmuriensis; Doctor Medicus Monspellienfis, Saluberrimæ Facultatis Medicinæ Parisiensis Baccalaureus, A. R. S. H. 1751, A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1751.